

经典医学名著

伤寒论

SHANG HAN LUN

汉·张仲景



第二军医大学出版社

图书在版编目(CIP)数据

伤寒论/(汉)张仲景编著;蔡秀华,高云彩点校. —上海:第二军医大学出版社,2005.6
(经典医学名著)/孙玉信主编
ISBN 7—81060—532—1

I. 伤... II. ①张... ②蔡... ③高... III. 伤寒论 IV. R222.2

中国版本图书馆 CIP 数据核字(2005)第 059180 号

责任编辑 王晓田

经典医学名著

伤寒论

(汉)张仲景编著 蔡秀华,高云彩点校

第二军医大学出版社出版发行

上海市翔殷路 800 号 邮政编码:200433

发行科电话/传真:021—65493093

全国各地新华书店经销

河南第一新华印刷厂印刷

开本:850×1168 1/64 印张:2.75 字数:77.7 千字

2005 年 6 月第 1 版 2005 年 6 月第 1 次印刷

ISBN 7—81060—532—1/R·404

本册定价:7.00 元(总定价:421.00 元)

经典医学名著

总主编：孙玉信

主 编：(按姓氏笔画排列)

王晓田	王德敏	朱平生
刘俊红	许敬生	孙玉信
李连章	李泰然	芦 锰
肖跃红	张岫峰	苗明三
姜瑞雪	党兰玉	高云彩
高希言	郭云协	黄 甦
蔡秀华	樊德春	

点校说明

为弘扬祖国医学,满足广大中医药工作者及中医爱好者的需要,特组织部分中医专家,经过严格筛选,综合多种版本(善本、孤本),点校出版《经典医学名著丛书》。

点校原则如下:

一、采用现代标点方法,对原文内容重新分段。

二、底本中明显错字、别字,与以径正。异体字、古今字、通假字、俗写字,在保持原书基础之上,进行个别简化。

三、原书中所涉及处方均按现代格式:【主治】、【处方】、【用法】、【方解】重新排版。原书中方位词“左、右”一并改为“上、下”。

四、为保持底本原貌,凡涉及药物剂量,点校不做改动。所涉及有毒药物用量

偏重者,请参考现代剂量。某些禁用动物药物如:犀角、虎骨、麝香等请使用现代替代药物。

五、凡各种底本与校本不一致之处,因参考底本较多,校本未做说明。

由于点校者古籍整理水平有限,错误难免,望读者指正。

序

夫伤寒论，盖祖述大圣人之意，诸家莫其伦拟，故晋·皇甫谧序《甲乙针经》云：伊尹以元圣之才，撰用神农本草，以为汤液；汉·张仲景论广汤液，为十数卷，用之多验；近世太医令王叔和，撰次仲景遗论甚精，皆可施用。是仲景本伊尹之法，伊尹本神农之经，得不谓祖述大圣人之意乎？张仲景，《汉书》无传，见《名医录》云：南阳人，名机，仲景乃其字也。举孝廉，官至长沙太守。始受术于同郡张伯祖，时人言，识用精微过其师，所著论，其言精而奥，其法简而详，非浅闻寡见者所能及。自仲景于今八百余年，惟王叔和能学之，其间如葛洪、陶景、胡洽、徐之才、孙思邈辈，非不才也，但各自名家，而不能修明之。开宝中，节度使高继冲，曾编录进上，其文理舛错，未尝考正；历代虽藏之书府，

亦阙于仇校。是使治病之流，举天下无或知者。国家诏儒臣校正医书，臣奇续被其选。以为百病之急，无急于伤寒，今先校定张仲景《伤寒论》十卷，总二十二篇，证外合三百九十七法，除复重，定有一百一十二方，今请颁行。

太子右赞善大夫臣高保衡、尚书屯田员外郎臣孙奇、尚书司封郎中秘阁校理臣林亿等谨上。

目 录

第一卷

- 一 辨脉法 (1)
- 二 平脉法 (10)

第二卷

- 三 伤寒例 (20)
- 四 辨痉湿喝脉证 (29)
- 五 辨太阳病脉证并治法上 (31)

第三卷

- 六 辨太阳病脉证并治中 (41)

第四卷

- 七 辨太阳病脉证并治下 (70)

第五卷

- 八 辨阳明病脉证并治 (89)
- 九 辨少阳病脉证并治 (107)

第六卷

- 十 辨太阴病脉证并治 (109)
- 十一 辨少阴病脉证并治 (111)

十二 辨厥阴病脉证并治 …… (122)

第七卷

十三 辨霍乱病形证并治 …… (135)

十四 辨阴阳易差后劳复病形证并治
…………… (138)

十五 辨不可发汗病形证并治 ……
…………… (141)

十六 辨可发汗脉证并治 …… (144)

第八卷

十七 辨发汗后病脉证并治 … (145)

十八 辨不可吐 …… (145)

十九 辨可吐 …… (146)

2

第九卷


二十 辨不可病脉证并治 …… (147)

二十一 辨可下病脉证并治 … (152)

第十卷

二十二 辨发汗吐下后脉证并治
…………… (154)

第一卷



问曰：脉有阴阳，何谓也？

答曰：脉大为阳，浮为阳，数为阳，动为阳，滑为阳，沉为阴，涩为阴，弱为阴，弦为阴，微为阴。凡阴病见阳脉者生，阳病见阴脉者死。

问曰：脉有阳结阴结者，何以别之？

答曰：其脉自浮而数，能食不大便者，此为实，名曰阳结。期十七日当剧。其脉自沉而迟，不能食，身体重，大便反坚，名曰阴结，期十四日当剧。

问曰：病有洒淅恶寒而复发热者，何也？

答曰：阴脉不足，阳往从之，阳脉不

足，阴往乘之。

何谓阳不足？

答曰：假令寸口脉微，为阳不足，阴气上入阳中，则洒淅恶寒。

何谓阴不足？

答曰：尺脉弱为阴不足，阳气下陷入阴中，则发热也。

阳脉浮，阴脉弱者，则血虚，血虚则筋急。

其脉沉者，荣气微也。其脉浮，而汗出如流珠者，卫气衰也。

荣气微者，加烧针，则血流不行，更发热而燥烦也。

脉蔼蔼如车盖者。名曰阳结也。

脉累累如循长竿者，名曰阴结也。

脉聂聂如吹榆荚者，名曰散也。

脉瞥瞥如羹上肥者，阳气脱也。

脉萦萦如蜘蛛丝者，阳气衰也。

脉绵绵如泻漆之绝者，亡其血也。

脉来缓时一止复来，名曰结。

脉来数时一止复来,名曰促。

脉阳盛则促,阴盛则结。此皆病脉。

阴阳相搏,名曰动。阳动则汗出,阴动则发热,形冷恶寒者,此三焦伤也。

若数脉见于关上,上下无头尾,如豆大,厥厥动摇者,名曰动也。

阳脉浮大而濡,阴脉浮大而濡,阴脉与阳脉同等者,名曰缓也。

脉浮而紧者,名曰弦也。弦者状如弓弦,按之不移也。脉紧者,如转索无常也。

脉弦而大,弦即为减,大即为芤。减即为寒,芤则为虚,寒虚相搏,此名为革。妇人即半产、漏下,男子即亡血、失精。

问曰:病有战而汗出自得解者,何也?

答曰:其脉浮而紧,按之反芤,此为本虚。故当战而汗出也。其人本虚,是以发战,以脉浮,故当汗出而解也。

若脉浮而数,按之不芤,此人本不虚,若欲自解,但汗出耳,即不发战也。

问曰:病有不战而汗出解者,何也?

答曰：其脉大而浮数，故不战汗出而解也。

问曰：病有不战，不汗而解者，何也？

答曰：其脉自微，此以曾发汗，若吐，若下，若亡血，以内无津液，此阴阳自和，必自愈，故不战、不汗而解也。

问曰：伤寒三日，其脉浮数而微，病人身自凉和者，何也？

答曰：此为欲解也，解以夜半，脉浮而解者，濺然汗出也，脉数而解者，必能食也，脉微而解者，必大汗出也。

问曰：脉病，欲知愈未愈，何以别之？

答曰：寸口、关上、尺中三处，大小浮沉迟数同等。虽有寒热不解者，此脉阴阳为和平，虽剧当愈。

立夏得洪大脉，是其本位。其人病，身体苦疼重者，须发其汗，若明日身不疼不重者，不须发汗；若汗濺然自出者，明日便解矣。何以言之？立夏得洪大脉，是其时脉，故使然也。四时仿此。

问曰：凡病欲知何时得？何时愈？

答曰：假令夜半得病者，明日日中愈。日中得病者，夜半愈。何以言之？日中得病夜半愈者，以阳得阴则解也，夜半得病日中愈者，以阴得阳则解也。

寸口脉浮在表，沉在里，数在府，迟在藏，假令脉迟，此为在藏也。

趺阳脉浮而涩，少阴脉如经，其病在脾，法当下利，何以知之？脉浮而大者，气实血虚也。今趺阳脉浮而涩，故知脾气不足，胃气虚也。以少阴脉弦而浮，才见此为调脉，故称如经也，若反滑数者，故知当尿脓也。

寸口脉浮而紧，浮即为风，紧即为寒，风即伤卫，寒即伤荣，荣卫俱病，骨节烦疼，当发其汗也。

趺阳脉迟而缓，胃气如经也，趺阳脉浮而数，浮则伤胃，数则动脾，此非本病，医特下之所为也，营卫内陷。其数先微，脉反但浮，其人必大便硬，气噫而除。何

以言之？脾脉本缓，本以数脉动脾，其数先微，故知脾气不治。大便硬，气噫而除。今脉反浮，其数改微，邪气独留，心中则饥，邪热不杀谷，潮热发渴，数脉当迟缓，脉因前后度数如法，病者则饥，数脉不时，则生恶疮也。

师曰：病人脉微而涩者，此为医所病也。大发其汗，又数大下之，其人亡血，病当恶寒，后乃发热，无休止时。夏月盛热，而欲著复衣。冬月盛寒，欲裸其身。所以然者。阳微即恶寒，阴弱即发热，此医发其汗，使阳气微，又大下之，令阴气弱。五月之时，阳气在表，胃中虚冷，以阳气内微，不能胜冷，故欲著复衣；十一月之时，阳气在里，胃中烦热，以阴内弱不能胜热，故欲裸其身。又阴脉迟涩，故转亡血也。

脉浮而大，心下反坚，有热，属藏者，攻之，不令发汗，属府者，不令溲数，溲数则便坚。汗多则热愈。汗少即便难，脉迟尚未可攻。

脉浮而洪,身汗如油,喘而不休,水浆不下,形体不仁,乍静乍乱,此为命绝也。未知何藏先受其灾。若汗出发润,喘而不休,此为肺先绝也。阳反独留,形体如烟熏,直视摇头者,此为心绝也。唇吻反青,四肢皴习者,此为肝绝也。环口黧黑,柔汗发黄者,此为脾绝也。溲便遗失,狂言目反直视,此为肾绝也。

又未知何藏阴阳先绝。若阳气先绝,阴气后竭者,其人死,身色必青;阴气先绝,阳气后竭者,其人死,身色必赤,腋下温,心下热也。

寸口脉浮大,而医反下之,此为大逆,浮则无血,大即则寒,寒气相搏,则为肠鸣,医乃不知而反饮之水,令汗大出,水得寒气,冷必相搏。其人即飢。

趺阳脉浮,浮则为虚,浮虚相搏,故令气飢,言胃气虚竭也。脉滑则为哕。此为医咎,责虚取实,守空迫血,脉浮、鼻中燥者,必衄也。

诸脉浮数，当发热而洒淅恶寒，若有痛处，饮食如常者，蓄积有脓也。脉浮而迟，面热赤而战惕者，六七日当汗出而解，反发热者，差迟。迟为无阳，不能作汗，其身必痒也。

寸口脉阴阳俱紧者，法当清邪中于上焦，浊邪中于下焦。清邪中上，名曰洁也。浊邪中下，名曰浑也。阴中于邪，必内栗也，表气微虚，里气不守，故使邪中于阴也，阳中于邪，必发热，头痛、项强、颈挛、腰痛、胫酸，所谓阳中雾露之气，故曰清邪中上，浊邪中下，阴气为栗，足膝逆冷，溲便妄出，表气微虚，里气微急，三焦相混，内外不通。若上焦怫郁，藏气相熏，口烂食断也，中焦不治，胃气上冲，脾气不转，胃中为浊，营卫不通，血凝不流。若卫气前通者，小便赤黄，与热相搏，因热作使，游于经络，出入藏府，热气所过，即为痈脓。若阴气前通者，阳气厥微，阴无所使，客气内入，嚏而出之，声啞咽塞，寒厥相